



Broj: 03-07-1- /21

Sarajevo, 06. 01. 2021. godine

PRIJEDLOG

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Sl.glasnik BiH“, broj 94/14), Agencija za unapređenje stranih investicija u Bosni i Hercegovini, p o d n o s i

IZVJEŠTAJ O RADU

AGENCIJE ZA UNAPREĐENJE STRANIH INVESTICIJA U BOSNI I HERCEGOVINI ZA 2020. GODINU

I UVOD

U skladu s nadležnostima utvrđenim Zakonom, odlukama i smjernicama Vijeća ministara Bosne i Hercegovine, Agencija za unapređenje stranih investicija u Bosni i Hercegovini - FIPA, provodi aktivnosti koje su usmjerene na promociju, privlačenje i podršku direktnih stranih investicija, te kreiranje imidža o Bosni i Hercegovini kao modernoj državi, ozbiljnom, konkurentnom i sigurnom partneru za investicije. Kako bi se postigli Zakonom definisani ciljevi, Agencija je u 2020. godini svoj rad organizovala kako bi se dostigli strateški ciljevi definisani u skladu s članom 10. Zakona, kao i smjernice i druge mjere Vijeća ministara Bosne i Hercegovine.

Ostvarenje ovog plana za 2020. godinu predviđeno je kroz jedan (1) program i to:

Program 1 - Promocija i podrška direktnih stranih investicija u Bosni i Hercegovini

Zbog pandemije virusa Covid-19 mnoge osnovne aktivnosti agencije se nisu mogle provoditi kako je to do sada bilo uobičajeno. Priliv SDI u zemlju je gotovo zaustavljen. FIPA je zabilježila značajan pad upita i kontakata sa potencijalnim stranim investitorima. Strani investitori koji su već prisutni u zemlji stavili su svoje planove širenja na čekanje. U takvim okolnostima, a sa ciljem ispunjenja svojih osnovnih zadataka, FIPA je pristupila izradi Akcionog plana „FIPA odgovor na Covid-19“ i pripremila niz mjera koje pokrivaju period do kraja 2020. godine, a koji se bave trenutnom pandemijom sa fokusom na aftercare aktivnosti i postpandemijski period sa planom aktivnosti na promociji i privlačenju investicija.

Program aktivnosti se provodi prema programima kako slijedi:

1.1. Direktni kontakti s investitorima

U cilju povećanja direktnih kontakata s potencijalnim investitorima, aktivnosti FIPA-e bile su usmjerene na učešće na investicionim događajima u zemlji i inostranstvu, uspostavljanju novih i održavanju postojećih kontakata s investitorima, sastancima s investitorima i ekonomskim savjetnicima stranih ambasada u Bosni i Hercegovini itd.

U saradnji sa Grupacijom Svjetske banke i RCC-om, FIPA je intenzivno radila na pripremi „Germany WB6 Investor Outreach Campaign“ za metalo-prerađivački sektor odnosno sektor proizvodnje auto-dijelova i dogovorila sedam sastanaka ali koji su zbog mjera uvedenih zbog pandemije Covid-19 morali biti odgođeni. Ipak, jedan od dogovorenih sastanaka održan je kao video sastanak preko web platforme.

Predstavnici FIPA-e su održali osam (8) prezentacija u zemlji i inostranstvu (direktnim prisustvom ili putem web platformi) na kojima je predstavljen poslovni ambijent, operativni troškovi, atraktivni sektori i investicione mogućnosti Bosne i Hercegovine.

U sklopu aktivnosti kreiranja i poboljšanja imidža Bosne i Hercegovine kao dobre investicione lokacije, a prema utvrđenom planu aktivnosti za prvo polugodište 2020. godine, ažurirane su (4) generalne promotivne brošure (Investment Opportunities, FAQ, Steps for opening work permit i Starting and operating business), kao i FIPA WEB portal, a urađeno je ažuriranje devet (9) sektorskih brošura i prezentacija, i to za poljoprivredno-prehrambeni sektor, energetski sektor, metalo-prerađivački sektor, sektor auto-dijelova, vojnu industriju, informacijsko-komunikacijski sektor, sektor turizma, drvo-prerađivački sektor i tekstilni sektor. Identifikovane su „Uspješne priče“ o ulaganjima koje su uvrštene u brošure.

S ciljem da se potencijalnim investitorima pruži što tačnija informacija o mogućnostima ulaganja u Bosnu i Hercegovinu, nastoji se održati što veći broj direktnih kontakata, sastanaka i razgovora s potencijalnim investitorima, ali i s predstavnicima Ekonomskih odjela stranih ambasada (održano je 9 sastanka sa predstavnicima ekonomskih odjela zemalja najvećih investitora), jer su oni vrlo često prvi kojima se potencijalni investitori obraćaju. U 2020. godini održano je 58 sastanak sa potencijalnim stranim investitorima, te sa drugim domaćim i međunarodnim institucijama/ambasadama/domaćim kompanijama itd.

Odgovoreno je na 442 upita, a često su upiti zahtijevali detaljnije informacije i nastavak komunikacije follow-up. Pored toga, zaposleni u FIPA-i su izvršili uvid i analize propisa i pripremali informacije o projektima, lokacijama i drugim investicionim mogućnostima za potrebe odgovora na upite.

Nadalje, pripremljeno je 199 odgovora na dopise koji su dobijeni iz MIP-a, MOFTER-a, svjetskih i domaćih privrednih komora, ambasada i drugih institucija. U periodu 2020. godine organizovane su četiri (4) site-visits za jednog potencijalnog investitora, - njemačku kompaniju CRRC New Material Technologies GmbH. Kao rezultat prezentacije i sastanka u 2019. godini sa predstavnicima švedske kompanije Transcom i organizacijom njihovog sastanka sa predstavnicima grada Tuzla i grada Mostara, kompanija je u toku 2020. godine osnovala kompaniju u Tuzli i zaposlila 150 radnika.

Za 11 investitora organizirano je povezivanje sa lokanim predlagateljima projekata

Za 4 firme dat je direktan doprinos u realizaciji ili registraciji investicije, a nastavljeno je praćenje potencijalnih investitora kojima je pružena direktna asistencija tokom 2019. i 2020. godine.

Dostavljene su 52 informacije investitorima o promjenama u poslovnom okruženju, izmjena propisa i dostupnim grant ili drugim oblicima finansijskih sredstava. Posebna pažnja se posvetila dijaspori kao jednom velikom potencijalu kada se radi o investiranju u Bosnu i Hercegovinu. U tom smislu intenzivirane su aktivnosti saradnje s udruženjima, institucijama (domaćim i međunarodnim) kao i pojedincima, kako bi se dijaspori predstavili uslovi poslovanja u Bosni i Hercegovini, kao i konkretni projekti. Inicirano je potpisivanje memoranduma o razumijevanju sa udruženjem koje provodi projekat DijasporalInvest, kao i više memoranduma sa agencijama koje imaju sličnu nadležnost.

U cilju prikupljanja informacija o konkretnim investicionim mogućnostima u Bosni i Hercegovini, FIPA je u 2020. godini organizovala i održala 37 sastanka i ostvarila 347 različitih oblika poslovne korespondencije s predstavnicima opština, kantona, privrednih udruženja, institucija i privrednika. Kao rezultat ovih aktivnosti FIPA baza je u 2020. godini obogaćena sa 26 novih investicionih projekata (iz sektora turizma, poljoprivrede, energetike, nekretnina, metalnog, tekstilnog i ostalih sektora) i 46 novih investicionih lokacija (poslovne zone, poslovni objekti, potencijalne poslovne zone, zemljišta i lokalne investicione mogućnosti). Svi investicioni projekti i lokacije su u skraćenoj formi objavljeni na FIPA web stranici, tako da strani investitori, njihovi predstavnici i svi zainteresovani mogu pretraživati bazu podataka na FIPA web stranici, koja zaključno s decembrom 2020. ima 485 objavljenih investicionih projekata i 396 investicionih lokacija. Linkovi na projekte koje su predložile Vlade entiteta su takođe postavljeni na web stranici FIPA-e, tako da posjetioci web stranice mogu pretraživati i ove projekte.

U 2020. godini nastavilo se sa unošenjem i postavljanjem novih sadržaja na Facebook stranicu INVEST IN BOSNIA AND HERZEGOVINA, Statistika Facebook stranica na kraju 2020. godine pokazuje da stranica ima 6,228 like-ova tj. korisnika Facebook-a kojima se stranica sviđa i koji redovno prate njene sadržaje. Na osnovu utisaka korisnika i to njih 415, stranica Invest in Bosnia and Herzegovina je dobila ocjenu 4,6 od ukupno 5 poena. Pored toga na sva pitanja i upite koji su stigli putem Facebooka je odgovoreno. U 2020. godini objavljeno je ukupno 13 novih sadržaja na Facebook-u, koji se odnose na FIPA aktivnosti, investicione događaje u zemlji i inostranstvu i ostale značajne poslovne vijesti.

Svakodnevno se pripremaju podaci o objavljenim oglasima o prodaji imovine u Bosni i Hercegovini i postavljaju na web stranicu. U izvještajnoj godini pripremljeno je i objavljeno ukupno 124 oglasa.

1. 2. Identifikacija prepreka za strane investicije i prijedlog mjera za poboljšanje poslovnog okruženja

U toku izvještajnog perioda i implementacije programa postinvesticione podrške investitorima ili tzv. Aftercare programa, obavljeno je 21 posjeta i završene su sve popratne aktivnosti (popunjavanje upitnika, excel tabele, izdvajanje otvorenih pitanja). Zbog specifičnih uslova rada izazvanih pandemijom Covid-19, sprovođenje Aftercare programa na način koji je bio uobičajen, da se posjećuju kompanije i održavaju sastanci sa rukovodstvom, morao je biti reorganizovan, te je Akcionim planom predviđeno da se sprovede anketa postojećih stranih investitora (dostavljena anketa na adrese iz baze kontakata FBIH i RS (preko šeststotina kontakata), odnosno dostavljena je anketa na 469 adrese kompanija iz baze kontakata FBIH i 202 kontakta iz RS). U ovogodišnjem, na ovaj način urađenom, Aftercare programu učestvovalo je 47 kompanija i na osnovu odgovora dobijenih od njih urađen je Izvještaj/Analiza. U okviru ove aktivnosti u 2020. nastavljena je kontinuirana komunikacija i saradnja sa Svjetskom bankom na kreiranju on-line upitnika koji je upućen kompanijama kao i partnerskim institucijama Saradničke mreže u cilju uspješne implementacije programa postinvesticijske podrške investitorima u Bosni i Hercegovini.

Asistirano je u rješavanju 15 ad hoc otvorenih pitanja investitora za 2020. godinu, od čega je 6 riješeno u tekućoj godini. Pripremljeno i detaljno obrađeno je 15 preporuka za nivo BiH, te su izdvojene i one preporuke koje se odnose na entitete (24), u prijedlogu Aftercare izvještaja sa preporukama za unapređenje poslovnog okruženja. Ukupno je rađena analiza 55 otvorenih pitanja (ad hoc i preporuke).

U okviru ove aktivnosti u 2020. nastavljena je kontinuirana komunikacija sa Svjetskom bankom i partnerskim institucijama Saradničke mreže u cilju uspješne implementacije programa postinvesticijske podrške investitorima u Bosni i Hercegovini. Veoma je značajno za istaći da je s ciljem asistencije investitora, nakon obavljenih aftercare posjeta, ostvareno 139 aktivnosti saradnje sa drugim institucijama, od toga je održano 27 sastanaka u institucijama (ili online sastanka).

U 2020. godini pripremljena je Analiza Aftercare programa za 2019. i Analiza ukupno posjećenih kompanija, za period 2007 – 2019. godine. Pripremljeno je još 18 analiza privrednih sektora, direktnih stranih investicija, poslovnog okruženja Bosne i Hercegovine i država okruženja.

U okviru svojih redovnih aktivnosti FIPA prati i evidentira realizovane i najavljene investicije i na osnovu prikupljenih podataka sačinjava izvještaje o DSI u Bosni i Hercegovini po različitim osnovama (zemlje, sektori) koje služe za potrebe FIPA-e, ali ih i dostavlja i ostalim zainteresovanim na njihove upite, a prije svega ekonomskim odjelima stranih ambasada, institucijama u Bosni i Hercegovini na svim nivoima, itd. Tako je tokom 2020. godine pripremljeno ukupno 139 informacija/izvještaja o stranim ulaganjima.

Redovno se prate i informacije o makro-ekonomskim pokazateljima, vanjsko-trgovinskoj razmjeni, operativnim troškovima, koje se obrađuju i postavljaju na web stranici FIPA-e. Tokom 2020. godine urađeno je 35 informacija o makro-ekonomskim i statističkim podacima po izvještajnim periodima, poticajima i strategijama u Bosni i Hercegovini, kreditnom rejtingu, porezima, troškovima proizvodnje.

Globalna kretanja stranih investicija i podaci o prilivu DSI u Bosni i Hercegovini za 2019. godinu

Na osnovu podataka u okviru izvještaja UNCTAD-a (United Nations Conference on Trade and Development, World Investment Report 2020 - WIR 2020, juli 2020.g.) direktne strane investicije u svijetu su u 2019. iznosile 1,540 milijardi dolara. Mada je registrovan skroman rast, pozitivno je da se u prethodnoj godini zaustavio trogodišnji negativan trend DSI u svijetu. Međutim, u uslovima aktuelne pandemije, procjena njenog utjecaja na DSI u svijetu, rezultati iz prethodne godine svakako gube na značaju.

Prognozirano je smanjenje globalnih tokova direktnih stranih investicija do 40% u 2020. godini. Predviđanja su da će se DSI smanjiti za dodatnih 5 do 10% u 2021. godini, a izgledi nakon 2021. godine su vrlo neizvjesni.

Prema podacima Centralne banke Bosne i Hercegovine (CBBH), ukupne direktne strane investicije u Bosni i Hercegovini, za period maj 1994 - decembar 2019. iznosi 15,022 miliona KM. Direktne strane investicije su u 2019. godini iznosile 699 miliona KM i registrovale su pad od 26.6% u odnosu na ulaganja u 2018. godini. U uslovima pandemije COVID-19, očekivanja za izvještajnu godinu nisu optimistična

Budžetska sredstva i planirani i realizovani programski zadaci

Programski zadaci realizovani su u skladu s Programom rada FIPA-e za **2020. godinu**.

Dokumentom okvirnog budžeta (DOB) za period **2020. - 2022. godina** dostavljeni su zahtjevi

Agencije za unapređenje stranih investicija u Bosni i Hercegovini:

- za 2020. godinu iznos od 1.479.000 KM
- za 2021. godinu iznos od 1.482.000 KM
- za 2022. godinu iznos od 1.530.000 KM

Projekcijom Budžeta za 2020. godinu

utvrđena je gornja indikativna granica u iznosu od **1.343.000 KM**.

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. godinu

(„Službeni glasnik BiH“ broj 46/20 od 31.07.2020. godine)

usvojeni Budžet Agencije za unapređenje stranih investicija u Bosni i Hercegovini **za 2020. godinu** iznosi **1.258.000 KM.**

Usvojeni Budžet Agencije za 2020. godinu iznosi **1.258.000 KM**

Iznos ukupnog usvojenog Budžeta Agencije za unapređenje stranih investicija u Bosni i Hercegovini – FIPA za 2020. godinu odnosi se na:

- **1.255.000 KM za tekuće izdatke i**
- **3.000 KM za kapitalne izdatke** u 2020. godini.

Agencija za unapređenje stranih investicija u Bosni i Hercegovini je u 2020. godini provela 30 postupka javnih nabavki (3 konkurentna postupka i 27 putem direktnog sporazuma).

Analiza prepreka/rizika u radu institucije

U odnosu na rizike utvrđene Programom rada FIPA-e za 2020. godinu nije došlo do vidljivog pomaka, jer FIPA nema značajnijeg utjecaja na vanjske faktore, s obzirom da je mogućnost utjecaja na pomenute rizike u nadležnosti većeg broja institucija i zahtjeva dugoročan angažman institucija različitog nivoa i nadležnosti.

FIPA sa svoje strane kontinuirano radi sa predlagačima projekata na unapređenju projektnih ideja a također upućuje stalne urgencije i akte prema drugim tijelima državne uprave s ciljem poboljšanja poslovnog okruženja i uslova poslovanja. Pomaci postoje ali su i dalje jako slabo vidljivi te smo jako loše rangirani od strane međunarodnih organizacija (Svjetska banka-Doing business, Indeks konkurentnosti itd.), što je dodatna prepreka aktivnostima na promociji investicijskih mogućnosti.

U odnosu na navedeno u Programu rada FIPA-e, te naprijed istaknuto i dalje možemo reći da u skladu s rađenim analizama poslovnog okruženja, neophodan preduslov za dalje povećanje priliva stranih investicija, jeste unapređenje sistema koordinacije nadležnih institucija, kako u definisanju strateških ciljeva i prioriteta, tako i u realizaciji projekata od interesa. Bitan preduslov, takođe, je i makro-ekonomska stabilnost, predvidivo i poticajno poslovno okruženje, koje uključuje veći stepen pravne sigurnosti (FIPA kontinuirano urgira na rješavanju ovog pitanja), te jasna strateška usmjerenost prema stranim investitorima. Nedostatak kvalitetnih investicijskih projektnih ideja i konkretnih projekata (kako je naprijed istaknuto FIPA kontinuirano radi sa predlagačima projekata na unapređenju predstavljanja postojećih projekata), te slaba educiranost u državi za njihovu izradu, kao i u mnogo slučajeva neriješena imovinsko-pravna i druga pitanja, otežavajuća su okolnost u procesu motivisanja donositelja odluka za investiranje u Bosni i Hercegovini. Također jedan od važnijih rizika jeste i dalje odugovlačenje u aktivnostima finalizacije izrade i usvajanja Okvirne Strategije privlačenja i unapređenja stranih investicija u Bosni i Hercegovini

COVID 19 pandemija je značajno utjecala na provedbu aktivnosti s tim u vezi i interes investitora je bio manji, također aftercare aktivnosti su realizovane tako što je za 1 polugodište aftercare posjete zamijenila aftercare anekta, a i određen broj sastanka u institucijama je održan online.

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMAM RADA AGENCIJE ZA UNAPREĐENJE STRANIH INVESTICIJA U BIH ZA 2020. GODINU												
Opšti cilj/principi razvoja: Integrisani rast												
Strateški cilj: Makro-ekonomska stabilnost												
Srednjoročni cilj: Unapređenje vanjsko-trgovinske politike i stranih investicija												
Specifični cilj: Promocija stranih investicija												
Programi, projekti i aktivnosti	Nosilac aktivnosti (organizaciona jedinica)	Pokazatelji					Izvori finansiranja i troškovi					
		Pokazatelji rezultata ili uticaja	Jedinica mjerenja (% , broj ili opisno)	Polazna vrijednost (2019)	Ciljana vrijednost (2020)	Ostvarena vrijednost na kraju godine (2020)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	Komentar
1	2	3	4	5	6	7	8	9	10	11	12	13
1. Program - Unapređenje aktivnosti na promociji stranih investicija												
1.1. Projekat - Direktni kontakti s investitorima												
Promocija direktnih stranih investicija kroz direktne kontakte s investitorima	Sektor za promociju i analizu, Sektor za podršku i projekte, Sektor	Broj kontakata vezanih za strane investicije	broj	455	470	470	budžet	889.200	685.469	I-IV	I-IV	

	za opšte i finan. poslove											
1.1.1. Učestvovanje i suorganizacija investicionih događaja, outreach kampanja, sajmovi, konferencija i okruglih stolova u zemlji i inostranstvu	Sektor za promociju i analizu, Sektor za podršku i projekte, Sektor za opšte i finan. poslove	Broj investic. događaja na kojima je FIPA učestvovala ili suorganizov.	broj	30	32	15	budžet	231.192	102.820	I-IV	IV	
1.1.2. Identificiranje investicijskih potencijala	Sektor za promociju i analizu, Sektor za podršku i projekte, Sektor za opšte i finan. poslove	Broj projekata i investicionih lokacija	broj	40	50	72	budžet	97.812	157.658	I-IV	I-IV	
1.1.3. Organizovanje sastanaka sa institucijama, privrednim udruženjima i firmama radi prikupljanja informacija o potencijalnim projektima	Sektor za podršku i projekte, Sektor za opšte i finan. poslove	Održani sastanci	Broj	40	50	36	budžet	97.812	54.838	I-IV	I-IV	
1.1.4. Direktni kontakti s investitorima (sastanci i korespondencija s	Sektor za promociju i analizu, Sektor za podršku i projekte, Sektor	Broj kontakata	broj	385	375	419	budžet	240.084	191.931	I-IV	I-IV	

investitorima i predstavnicima investitora, odgovori na upite i posjete investitora investicionim lokacijama	za opšte i finan. poslove											
1.1.5. Promotivni materijali (izrada i ažuriranje generalnih, sektorskih, komparativnih i analiza priliva DSU po pojedinim državama) i saradnja s medijama	Sektor za promociju i analizu, Sektor za podršku i projekte, Sektor za opšte i finan. poslove	Broj pripremljenih dokumenata i informacija	broj	132	132	159	budžet	222.300	178.222	I-IV	I-IV	
1.2. Projekat - Identifikacija prepreka za strane investicije i prijedlog mjera za poboljšanje poslovnog okruženja												
Identifikacija prepreka za strane investicije i prijedlog mjera za poboljšanje poslovnog okruženja	Sektor za promociju i analizu, Sektor za podršku i projekte, Sektor za opšte i finan. poslove	Broj riješenih otvorenih pitanja investitora i predložene mjere za poboljšanje poslovnog okruženja	broj	20	45	55	budžet	478.800	369.099	I-IV	I-IV	
1.2.1. Saradnja sa institucijama, privrednim udruženjima i drugima vezano za poslovno okruženje i	Sektor za podršku i projekte, Sektor za opšte i finan. poslove.	Broj održanih sastanaka	broj	20	20	27	budžet	100.548	77.511	I-IV	I-IV	

rješavanje otvorenih pitanja.												
1.2.2. Aftercare (posjete postojećim stranim investitorima i online anketa)	Sektor za promociju i analizu, Sektor za podršku i projekte, Sektor za opšte i finan. poslove.	Broj obavljenih posjeta	broj	55	40	21 posjeta i 47prika pljena online anketa/ odgovor a	budžet	201.096	155.021	I-IV	I-IV	
1.2.3. Analiza prepreka u poslovnom okruženja i predlaganje mjera za otklanjanje prepreka - dokument koji se šalje Vijeću ministara Bosne i Hercegovine na usvajanje.	Sektor za promociju i analizu, Sektor za podršku i projekte, Sektor za opšte i finan. poslove	Pripremljeni dokumenti upućeni Vijeću ministara BiH	broj	2	2	2	budžet	177.156	136.567	I-IV	I-IV	
SVEUKUPN O								1.368.000	1.054.568			

III – IZVJEŠTAJ O ZAKONIMA PLANIRANIM GODIŠNJIM PROGRAMOM RADA AGENCIJE ZA UNAPREĐENJE STRANIH ULAGANJA U BiH ZA 2020.G.

Opći cilj / načela razvitka: Integrirani rast

Strateški cilj: Makroekonomska stabilnost

Srednjoročni cilj: . Unaprjeđenje vanjskotrgovinske politike i stranih investicija

Specifični cilj: Promocija stranih investicija

Naziv zakona	Nositelj aktivnosti	Planirani kvartal za provedbu	Upućeno Vijeću ministara (DA / NE)	Usvojeno na Vijeću ministara (DA/NE)	Usvojeno u Parlamentarnoj skupštini (DA/NE)	Komentar
1	2	3	4	5	6	7
1.1.3 program						
1.1.3.1 projekt						
Aktivnost (naziv zakona)						
1.1.10 program						
1.1.10.1 projekt						
Aktivnost (naziv zakona)						

IV – IZVJEŠTAJ O PODZAKONSKIM AKATIMA PLANIRANIM GODIŠNJIM PROGRAMOM RADA AGENCIJE ZA UNAPREĐENJE STRANIH ULAGANJA U BiH ZA 2020.g.

Opći cilj / načela razvitka: Integrirani rast

Strateški cilj: Makroekonomska stabilnost

Srednjoročni cilj: . Unaprjeđenje vanjskotrgovinske politike i stranih investicija

Specifični cilj: Promocija stranih investicija

Naziv podzakonskog akta	Nositelj aktivnosti	Planirani kvartal za provedbu	Upućeno Vijeću ministara BiH (DA / NE)	Usvojeno na Vijeću ministara (DA/NE)	Komentar
1	2	3	4	5	6
1.2.1 program					
1.2.1.1. projekt					
Pravilnik o unutrašnjoj organizaciji Agencije za unaprjeđenje stranih investicija u Bosni i Hercegovini – FIPA	FIPA	III	NE	NE	Obrazloženje u napomeni

NAPOMENA: Kolegij Agencije za unapređenje stranih investicija u Bosni i Hercegovini održan je 14.07. 2020. godine na kojem je razmatrana izmjena Pravilnika o unutrašnjoj organizaciji Agencije, kao i na sljedećem Kolegiju 16.07.2020. godine. Na Kolegiju održanom 25.08.2020. godine, predložena je nova šema sistematizacije radnih mjesta i dogovorene daljnje aktivnosti. U skladu sa regulativom iz navedene oblasti pripremljeni su opisi radnih mjesta i dana 08.09. 2020. godine proslijeđeni na mišljenje Ministarstvu pravde BiH. Dana 03.11. 2020. upućene su urgencije Komisiji za analizu radnih mjesta i ministru pravde BiH.

06.01.2021. godine Komisija je dostavila mišljenje kojim se vraća na ponovno sastavljanje uz sugestiju da se unesu neophodne izmjene u skladu sa čl. 34. Odluke o razvrstavanju radnih mjesta i kriterijuma za opis poslova radnih mjesta u institucijama Bosne i Hercegovine.

U skladu sa tim Kolegij FIPA-e je održao sastanak 05.01.2021. godine, te 11.01.2021. godine, kao i narednu sjednicu 13.01.2021. godine, kako bi se otklonile primjedbe Komisije i dostavio novi prijedlog na ocijenu Komisije.

V – IZVJEŠTAJ O MEĐUNARODNIM UGOVORIMA PLANIRANIM GODIŠNJIM PROGRAMOM RADA AGENCIJE ZA UNAPREĐENJE STRANIH ULAGANJA U BiH ZA 2020.g.

Opći cilj / načela razvitka: Integrirani rast

Strateški cilj: Makroekonomska stabilnost

Srednjoročni cilj: . Unaprjeđenje vanjskotrgovinske politike i stranih investicija

Specifični cilj: Promocija stranih investicija

Naziv međunarodnog ugovora	Nositelj aktivnos	Planirani kvartal za provedbu	Upućeno Vijeću ministara (DA / NE)	Procedura u predsjedništvu BiH	Komentar
1	2	3	4	5	6
4.1.1 Program					
4.1.1.1. Projekt					
Ugovor					
Sporazum		I-IV 2021.			
Memorandum o razumijevanja FIPA – HEPA (Mađarska agencija za investicije)	FIPA		NE	Završeno – dobivena suglasnost za potpisivanje	Za MoU dobivena saglasnost od Predsjedništva ali zbog COVID 19 nije se pristupilo potpisivanju u toku 2020. Potpisivanje planirano prilikom zvaničnih posjeta u toku 2021.
Memorandum o razumijevanja FIPA – Ured za investicije R. Turske	FIPA	I-IV2021.	NE	Završeno – dobivena suglasnost za potpisivanje	Za MoU dobivena saglasnost od Predsjedništva ali zbog COVID 19 nije se pristupilo potpisivanju 2020. Potpisivanje planirano prilikom zvaničnih posjeta u toku 2021.

VI – IZVJEŠTAJ O JAVNIM INVESTICIJAMA PLANIRANIM GODIŠNJIM PROGRAMOM RADA AGENCIJE ZA UNAPREĐENJE STRANIH ULAGANJA U BiH ZA 2020.g.

Opći cilj / načela razvitka: Integrirani rast					
Strateški cilj: Makroekonomska stabilnost					
Srednjoročni cilj: Unaprjeđenje vanjskotrgovinske politike i stranih investicija					
Specifični cilj: Promocija stranih investicija					
Naziv projekta javnih investicija	Nositelj aktivnosti	Očekivano razdoblje provedbe	Završen (DA / NE)	Status (u postupku, odloženo, prekinuto)	Komenar
1	2	3	4	5	6
1.2.1 program					
1.2.1.1. projekt					
Nabava ...					
Naziv javne investicije					

VII – IZVJEŠTAJ O TEMATSKOM DIJELU DIO GODIŠNJEG PROGRAMA RADA AGENCIJE ZA UNAPREĐENJE STRANIH ULAGANJA U BiH ZA 2020.g.

Opći cilj / načela razvitka: Integrirani rast					
Strateški cilj: Makroekonomska stabilnost					
Srednjoročni cilj: . Unaprjeđenje vanjskotrgovinske politike i stranih investicija					
Specifični cilj: Promocija stranih investicija					
Naziv materijala	Nositelj aktivnosti	Planirani kvartla za provedbu	Upućeno Vijeću ministara (DA/NE)	Razmatrano na Vijeću ministara (DA/NE)	Komentar
1	2	3	4	5	6
13.1.1. Program					
13.1.1.4 projekt					
Informacija					
Analiza					
Izvještaj					
Strategija					

VIII IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA INSTITUCIJE

Kod izrade godišnjeg izvještaja o radu Agencija za unapređenje stranih investicija u Bosni i Hercegovini je u skladu sa članom 11. stav (4) Odluke o godišnjem planiranju rada u institucijama Bosne i Hercegovine („Službeni glasnik BiH“, broj 94/14) primijenila Pravila za konsultacije u izradi pravnih propisa („Službeni glasnik“, broj 05/17).

V.D. DIREKTORA

Milica Marković